



早
木
乃
鐘
木

平湖徐惟琨題



錢塘丁氏嘉惠堂刊

孫夫人集

明仁和楊文儷著

端陽有感

憶昔年年逢此日細斟蒲酒勸姑嘗今年此日人何在
迸淚如泉倍感傷迸淚如泉倍感傷爲悲姑逝是端陽
几筵仍捧蒲觴奠荏苒光陰又小祥

秋日懷親

玉露霑花溼金風透幕涼天連秋水碧山帶晚煙蒼撫
景嗟時序懷親憶故鄉倚闌凝立久心逐雁南翔

月夜鳴琴

小堂明月夜捲幔理絲桐素魄千門皎清音一院通落

霞飛指下流水瀉絃中停曲聊延伫高天度遠鴻

寄姊

緘書託征雁千里寄南州不盡相思意聊紓遠別愁青
山當繡戶綠水繞妝樓骨肉何時會望窮天際頭

秋日新晴

浙浙涼颺至昨宵新雨過雲開明玉宇日出漾金河樹
裏鳴蟬亂空中過雁多乾坤舒望眼秋色足吟哦

至日

至日潛春意天機故透梅漸看殘臘去行待豔陽來刺
繡添宮綫吹葭散瑄灰光陰何荏苒又是一年催

余兄寓京師偶赴河閒詩以憶之

親闈天際迴悵望信音稀
賴有同羣雁那堪異地飛
蕭條樓旅館咫尺隔皇畿
去去將旬月如何尙未歸

詠梅

昨夜春初動江梅發早芳
翠枝堆玉蕊素豔晃寒光
帶月籠疏影隨風遞暗香
最堪調鼎鼎留取薦明堂

雪

碧漢同雲布新寒晚更加
霏霏翦瓊葉片片落梅花
樓臺生色相海宇有光華
三白春前瑞皇畿百萬家

聞鶯

上苑花如錦流鶯枝上鳴
閒關頻喚侶睨睨更含情
習習窗風暖遲遲砌日明
香閨方倦繡忽聽兩三聲

早春懷鋌兒

玉律風初轉金隄柳漸舒感時懷仲子鎮日倚門闔骨
肉天涯隔雲山望裏疏歸鴻聲噍噍不見寄音書

余辛丑之京今歸吳城得省母氏追念先府君遐
逝詩并及之

昔在燕臺下瞻雲隔海涯今歸吳市裏傍水是吾家慈
母身猶健嚴君迹已遐宥堂集悲喜月色澹窗紗

寄鏞兒

燕山聽鹿鳴早歲已成名隱霧今棲豹搏風卽起鵬言
懷遠遊子無那倚閭情欲寄平安字炎天雁不征

寄鋌兒

念汝留京國春花兩度紅讀書丹禁裏試筆玉堂中才
美名應振官貧道不窮百年須自勵清白舊家風

示鈞兒

又是清和候梅黃細雨天流光人競惜向學汝須專美
質元難恃虛名亦枉然能酬題柱志始見馬卿賢

示鑛兒

汝年亦漸長學業可圖成莫效頑愚子須齊賢俊名青
萍方在匣綠綺未聞聲何待三遷教傳經有父兄

示鑲女

吾女資元淑相隨繡閣前檻花嬌細雨庭樹靄和煙須
讀名媛傳無忘姆教篇芳年易成壯撚指又鳴蟬

紫騮馬

俠客輕家業千金貨紫騮雕鞍銀絡索錦轡玉花鞦盡
日行邊塞追風下海陬不辭征戰苦報主覓封侯

折楊柳

昔去臨歧路柔黃綴樹生今來歸故里暗綠與樓平花
起輕風絮林深巧囀鶯因看攀折處記取別時情

採蓮女

若耶採蓮女日出蕩輕橈玉手攀蘭槩金釵壓翠翹羅
裙欺葉色粉面比花嬌慣識溪中路歌聲入畫橋

聞笛

何方吹玉笛夜靜感人深月向山頭隱龍從水底吟暗

飛落梅曲巧作斷腸音羈旅那堪聽思歸不可禁

七夕

七夕今辰是新涼暑氣收銀河澄玉宇織女會牽牛一宿憐歡愛經年繫別愁人閒競佳節乞巧上南樓

越館懷歸

避寇來三月風光倏已殊昔看隄市柳今報井飄梧旅夢馳鄉曲烽煙淨海隅呼兒買蘭棹新漲愜歸途

憂旱

夏旱常年有今年旱更殊萬井泉俱竭千村黍漸枯鳩聲空旦暮禱祀在神巫那得甘霖降一令民困蘇

中秋雨

昔歲逢三五承懽侍太君今宵增感慨罷賞閉斜曛驟
雨穿窗入長風撼木聞吾心愁見月天遣翳玄雲

關山月

漢京今夜月萬里照關山秋葉仍看落征人尙不還寒
光凝厚甲孤影對愁顏歡宴高樓者笙歌正未閒

俠客

平生重然諾不與世沈浮佩劍千金換征鞍百寶鏤
雄能破敵談笑取封侯肯念閨中婦含情獨倚樓

初晴

初晴天氣爽四月宛清秋遠漢清如洗長林翠欲浮
鶯聲恰恰浴鷺態悠悠更有堪題處紅芳雨後稠

久雨

無那連朝雨空階不住聲
飄窗渾溼紙點沼亂開萍館
夜愁逾集思家夢不成
何時看霽色暫遣客懷清

嘗新茶

越茗憐新摘烹來滿盃春
清香人共嗜嫩蕊味偏真
雀舌應堪擬龍團未足珍
江南第一品歲歲貢楓宸

雪霽

昨夕天飄雪同雲翳遠空
曉來看霽色光彩映簾櫳
素渚迷寒雁瑤圖入畫工
東山明月上疑在玉壺中

隴頭水

隴山高不極隴水日悠悠
悠百里依官道千秋動客愁
霜

孫升川集 五
風飄落葉戰士理征裘鄉思方蕭索那堪耳畔流

城南別女

迢迢向南國五月發長安惟念鳴環女初令事伯鸞心
折言難盡歌殘日又闌行行復回顧淚下不能彈

臘日憶女

臘日起嚴風冰花西復東因之懷道韞遙傍上陽宮吳
國三千里燕關百二重何時仍聚首詠雪對長空

初夏卽事

朱明初屬夏暑氣漸侵軒日午槐陰密風情柳絮翻黃
雲連麥隴紅雨落桃園恰恰鶯聲老喃喃燕語喧鉤簾
對佳景欲賦已忘言

聞蛩

蛩鳴亦太早
宛宛出青林
初訝城鳴角
還疑室撫琴
風前偏弄響
雨後更長吟
羈旅愁無那
懷歸思莫禁
向從家樹聽
不是此時心

登樓

飛樓縹緲接穹蒼
直上憑闌望
大荒遠嶂雲開
千疊翠
近宮日耀九重黃
楚姬佩玉供歌舞
秦女吹簫引鳳凰
古意今形書未了
又看明月出東方

聞雁

帶月穿雲晚亦過
數聲嘹唳近銀河
川源萬里來何遠
關塞千重度更多
曾寄尺書歸上苑
還拈秋影落寒波

天涯旅客愁聞汝喚起鄉心奈若何

寄妹

浙水春風送別航別來荏苒幾星霜我從文苑留京國
汝爲繁華戀故鄉幼小閨中同刺繡晨昏窗下共焚香
于今兩地遙相憶好寫平安數寄將

中秋對月

桂魄初從東海生漸升霄漢最分明近侵衣上寒霜白
高照樓頭玉鏡清八月輝光隨處滿一年弦望自虧盈
嬋娟聞在清虛府徒倚闌干無限情

除夜

青陽初轉歲將闌燈火熏天夜不寒已識年華明日改

且酬節序此宵歡畫堂列席鋪金玉寶鼎飛香爇麝蘭
贏得春前一回賞梅花滿眼笑相看

元日

律轉青陽初獻歲早春天氣靄晴光梅風拂拂侵羅袂
螭日融融入畫堂席映霞杯浮柏葉簷飄翠縷散爐香
倚闌凝望層霄裏五色卿雲繞建章

元夕

聖代瑤京明盛年更逢三五早春前溶溶良夜燈何燦
皎皎青霄月正圓到處笙歌新節序滿城富貴舊人煙
歡筵不覺更籌轉忽聽雞聲報曉天

黃金臺

燕主偏安易水隈，千金不惜選良才。
四方豪傑今何在，八面輿圖尙自開。
北塞黃雲連朔漠，中天紫氣繞蓬萊。
聖人馭極恢疆宇，誰向瑤京說舊臺。

見湖亭

草堂卜築倚山隈，捲幔湖光入望來。
十里碧波穿地入，四圍翠嶺插天開。
中流橋迴虹霓落，傍岸花繁錦繡堆。
對此如遊仙界裏，世人何必覓蓬萊。

勸兄和韻

極目南雲日倚扉，鄉山迢遞雁書稀。
須思定省違甘旨，莫歎浮蹤賦式微。
壯志策勳應有待，高堂白髮欲何依。
東皇律轉桃花發，好束輕裝出北畿。

憶姊和韻

昨夜寒梅已發花
新枝折取寄天涯
鸞翔霄漢還千里
人隔燕吳本一家
無那看雲憑畫檻
懸知望月倚窗紗
錦箋況復傳佳句
詠雪高才未足誇

送兄二首

吳地風煙接北畿
鵲鴿相背忽南飛
殊方繾綣難爲別
對面須臾總是違
歲序萬山飄木葉
旅懷千里念庭闈
行行無那征車遠
極目雲天欲溼衣

兄在天涯每憶家
西風吹旆發京華
賓鴻行斷鳴聲切
棠棣枝連別恨加
秋杪黃花開驛路
江晴碧水泛仙槎
趨庭綵服承歡日
莫遣平安二字賒

寄兄

憶兄同客京華日不覺蹉跎屢閱年此去音書憑雁寄
向來詩句待誰傳春風湖上堪移棹夜月窗前合撫絃
兩地幾時重會面迢遙燕越意空懸

避寇越城感述

雲白山青宿霧收越王臺下水悠悠停鍼倚檻渾無語
避寇移家可自由延望燕關常切念回瞻慈隴漫生愁
爲憐骨肉棲三地幾度臨風欲淚流

越城懷古

海國淒涼千載恨滔滔都付水流東千年霸越人何在
一戰吞吳事已空弱柳新隨黃鳥嘯荒臺猶在綠煙籠

只今惟有稽山月曾吐金輝照故宮

擬內閣觀芍藥

禁署名花本自奇上公相對更相宜
風香暗度黃金闕國色新分白玉墀
傍檻開時如索笑當階翻處欲催詩
栽培地位元殊絕贏得年年雨露滋

冬日鈞兒應試北上次韻二首貽之

束書殘臘發南州直北風煙萬里浮
爲汝衝寒馳遠道令人連夜絮征裘
驛途逢使音須寄酒幔臨河棹莫留
回首飛雲應切念且依棠樹近宸旒

少年未慣適他州從此扁舟千里浮
羈旅時須撫童僕嚴寒常用厚衣裳
倚門他日應頻望解纜今朝不暫留

孫夫川集
九
可是明光能獻賦太平天子正垂旒

庭榴

移來西域種元奇檻外緋花掩映時不爲秋深能結實
肯於夏半爛生姿翻嫌桃李開何早獨秉靈根放故遲
朵朵如霞明照眼晚涼相對更相宜

越城重九

越王城裏逢重九霽日黃花景自敷開宴豪門應盡興
登臺詞客正相呼蕙江東去風塵擾鏡水西來歲月徂
佳節頓忘身是客亦教兒女插茱萸

憶京華鑰鈞三子次韻

旅居抱病自躊躇荏苒流光逼歲除天畔雙魚無處覓

日邊三鳳竟何如文園司馬應裁賦漢闕孫弘待上書
南土只今多寇盜倚門焉得鬱懷舒

書懷次韻

蘭閨無事漫躊躇人世能經歲幾除濫膺褒誥知難稱
欲效前賢愧未如幼小曾看列女傳比來更羨大家書
垂名千載元非易還把青編細卷舒

兒鋌以翰林編修三年考績予得晉封夫人有述
濫膺新典夫人貴始信從前教子功天府鸞章今賜誥
閨窗夜火昔九熊衣穿鶴錦君恩渥腰繫文犀夫秩崇
迂拙此身何所補惟將虔禮答蒼穹

白門哭夫

石裂山積人共歎春曹行館迹無聞殘書架上猶存帙
比翼空中已失羣鍾阜月明孤鶴唳秦淮風冷夜蛩紛
相如寶劍埋黃土獨使文君哭暮雲

秋日檢笥感述

日月如驅去不留金風又動井梧秋班姬愁劇題紈扇
共女憂深賦柏舟遺墨尙存人已逝開篇感愴淚難收
子雲博得才名在惜早寒煙鎖墓丘

院中對花

小院榴花開欲然花閒雙蝶舞翩翩憑闌坐對渾忘暑
漫展雲箋賦短篇

對雨漫述

宿雨蕭蕭暑氣微
庭花霑溼倍芳菲
故園桃李今何似
凝睇江雲獨倚扉

少年行

長安年少白狐裘
肥馬金鞍何處遊
春風桃李東西陌
翠管銀箏十二樓

聞驚

南國自來稱樂土
比年黎庶擾黃巾
徵兵諸路聞雲集
凱奏何時報紫宸

聞徵瓦氏兵至

傳聞瓦氏勇超羣
萬里徵來淨寇氛
多少材官屯海畔
策勳翻仗女將軍

夢醒口占

越城避寇來旬月旅夢還家已數迴
夢覺寥寥不成寐漏聲時聽四更催

江上別兄

季子敝裘仍北返班昭榮祿又南遊
憐兄塌翅如凡鶴何日翻飛上帝州

孫夫人集終

夫人仁和人工部員外郎楊應獬女禮部尙書餘姚孫
文恪公陞之繼室諸子登進士榜者四人太保吏部尙
書清簡公鏞文中禮部尙書鋌文和太僕卿綜又秉兵
部尙書鑛文融皆夫人教之示文融詩云何待三遷教
傳經有父兄蓋謙辭也夫人精帖括斷決不爽相傳文
融會試後錄其文呈母夫人笑曰淡墨雖書第一未免
鬻筆似魚非文之絕品也或言夫人毫而有髯年過百
齡諸孫皆顯貴浙中稱大家者固無以尙 四庫提要
稱有明一代以女子而工科舉之文者文儷一人而已
詩其餘事也詩稿附文恪公集行世今特爲付諸梓云
光緒丁酉仲春丁丙識

